



KERATAN AKHBAR		
30 November 2015		
Akhbar	:	Sinar Harian
Tajuk Berita	:	Bayar zakat secara ansuran
Muka Surat	:	38

Bayar zakat secara ansuran

LZS perkenal skim berkat, buat potongan gaji secara bulanan

■ HAFEZDZULAH HASSAN

SHAH ALAM – Tidak ada alasan mengelak daripada membayar zakat kerana Lembaga Zakat Selangor (LZS) ada menyediakan perkhidmatan skim potongan gaji zakat atau skim berkat bagi memudahkan orang ramai membuat caruman.

Pengurus Sektor Majikan Pejabat Kutipan LZS, Wira Mustafa berkata, skim berkat adalah satu kaedah yang diwujudkan bagi membantu orang ramai membayar apa jua jenis zakat secara ansuran.

"Semua jenis zakat tidak kira sama ada simpanan ataupun pendapatan boleh dibayar dengan menggunakan perkhidmatan ini.

"Orang ramai hanya perlu membuat taksiran zakat yang terlibat dan bahagikan kepada 12 bulan, kemudian membayarnya secara ansuran," katanya kepada *Sinar Harian*.

Katanya, kaedah ini lebih mudah kerana zakat tidak lagi perlu dibayar secara tahunan.

"Kalau kita nak bayar ikut tahunan mungkin duit tak cukup atau ada halangan lain yang memaksa kita menangkukkannya.

"Jadi LZS perkenalkan sistem potongan gaji supaya bayaran zakat lebih mudah, sistematik dan menjimatkan kos," katanya.

Menurutnya, orang ramai yang membuat caruman dengan menggunakan skim ini berhak mendapat pelarasan daripada Potongan Cukai Bulanan (PCB).



Wira bersama salah seorang kakitangan LZS membincangkan fungsi ESPG yang memudahkan orang ramai membuat caruman secara bulanan.

berikan untuk bulan-bulan tertentu. "Berbanding bayar setahun sekali kita terpaksa tunggu hujung sampai hujung tahun menentukan kutipan dan membuat agihan," katanya.

Caruman secara atas talian

Skim berkat boleh dibuat dengan cepat, mudah dan berkesan melalui perkhidmatan atas talian yang dikenali sebagai ESPG (Elektronik Skim Potongan Gaji).

Wira berkata, sistem atas talian ini membenarkan urusan caruman dibuat tanpa perlu berurus niaga dengan majikan ataupun LZS.

"Kita ikut perkembangan zaman dengan menyediakan platform atas talian yang lebih mudah berbanding manual.

"LZS akan menyambungkan maklumat yang dimasukkan terus kepada majikan untuk memudahkan urusan pemotongan gaji," katanya.

Menurutnya, perkhidmatan ESPG sangat penting terutama untuk mereka yang ingin menambah caruman.

"Orang ramai hanya perlu melayari <http://www.zakatselangor.com.my/cara-bayaran/skim-berkat-potongan-gaji/> dan memasukkan nombor kad pengenalan mereka.

"Semua maklumat terdahulu boleh dikemaskini termasuk menambah caruman selepas berlaku kenaikan gaji," katanya.

Katanya, ESPG juga sesuai digunakan oleh mereka yang baru hendak memulakan caruman.

"Cara sama macam nak menyemak caruman, bezanya orang

“ Semua jenis zakat tidak kira sama ada simpanan ataupun pendapatan boleh dibayar dengan menggunakan perkhidmatan ini. Orang ramai hanya perlu membuat taksiran zakat yang terlibat dan bahagikan kepada 12 bulan, kemudian membayarnya secara ansuran.” - Wira

ramai perlu memasukan maklumat peribadi mereka dan e-mel majikan. "LZS akan melakukan urusan dengan majikan dan gaji akan dipotong mengikut jumlah yang dipilih," katanya.

ESPG boleh diakses pada bila-bila melalui laman web rasmi LZS ataupun muat turun aplikasi E-Zakat untuk telefon pintar.

Selain mendaftar dan menambah caruman, ESPG juga membenarkan orang ramai membuat semakan rekod akaun mereka.

Caruman ataupun penambahan boleh dibuat dengan merujuk jadual jumlah potongan yang dikenakan berdasarkan pendapatan bulanan.

Sumbangan caruman skim berkat

Skim berkat menunjukkan respons yang memberangsangkan di kalangan orang ramai sama ada mereka kakitangan awam dan swasta.

Wira berkata, kakitangan swasta adalah penyumbang terbesar kutipan LZS melalui skim ini.

"Kakitangan swasta yang membayar jumlahnya tak besar tapi sumbangan caruman mereka besar.

"Mungkin faktor gaji yang tinggi menyebabkan mereka menyumbang lebih daripada apa yang disumbangkan oleh kakitangan awam," katanya.



Wira menunjukkan aplikasi ESPG menerusi telefon pintar yang boleh digunakan untuk membuat atau menambah caruman zakat pada bila-bila masa sahaja.